

- Potvrda ili uvjerenje treba sadržavati podatke o tome na kojim je poslovima kandidat radio - naziv radnog mjesta, jesu li to poslovi visoke stručne sprema/visokog obrazovanja, koliko dugo je obavljao navedene poslove, opis poslova, navesti jasno precizirano razdoblje radnog djelovanja na radnim zadacima, iz oblasti javnih financija, ili u oblasti mirovinskog i invalidskog osiguranja.

Potvrde i uvjerenja kao i drugi dokazi koji se odnose na radno iskustvo iz tačke 4. alineja b) i c) ovog Natječaja, moraju biti u okviru razdoblja iz dokaza obuhvaćenih tačkom 7. alineja c) ovog Natječaja.

f) ovjerene izjave o ispunjavanju:

- općih uvjeta iz tačke 3. ovog Natječaja, alineja c), d), e), f) i g);
- posebnih uvjeta iz tačke 4. ovog Natječaja, alineja d) i e).

Napomena: Uvjerjenje o zdravstvenoj sposobnosti, kao dokaz da njegovo zdravstveno stanje i psihofizičke sposobnosti odgovoraju uvjetima radnog mjesta i uvjerenje o nevođenju kaznenog postupka kandidat je obavezan dostaviti prilikom zaključenja ugovora o radu s poslodavcem.

Svi priloženi dokumenti moraju biti u originalu ili ovjerenoj kopiji.

O rezultatima natječaja kandidati će biti obaviješteni nakon provedenog postupka izbora, u roku od 30 (trideset) dana od dana donošenja odluke.

Nepotpune, neblagovremene, neuredne prijave i prijave kandidata koji ne ispunjavaju uvjete ovog Natječaja, kao i kopije dokumentacije koje nisu ovjerene, neće se uzimati u razmatranje.

Natječaj se objavljuje u 2 (dva) dnevna lista, na službenoj stranici Federalnog zavoda za mirovinsko i invalidsko osiguranje, te u "Službenim novinama Federacije BiH", a ostaje otvoren 15 (petnaest) dana od dana posljednje objave.

Prijavni obrazac s dokumentacijom može se dostaviti osobno ili putem poštanske službe preporučenom pošiljkom, na adresu:

FEDERALNI ZAVOD ZA MIROVINSKO I INVALIDSKO
OSIGURANJE - MOSTAR Ulica Dubrovačka bb.
88000 MOSTAR

Povjerenstvo za provođenje postupka za izbor kandidata za upražnjena radna mjesta zamjenika ravnatelja Središnje administrativne službe i ravnatelja i zamjenika ravnatelja županijskih administrativnih službi Federalnog zavoda za mirovinsko i invalidsko osiguranje s naznakom "Za javni Natječaj - "NE OTVARAJ".

(Sl. 632/25-F)

VLADA KANTONA SARAJEVO

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i Zaključka Vlade Kantona Sarajevo broj 02-04-14256-25/25 od 24.04.2025. godine, a u postupku imenovanja na pozicije u Nadzornom odboru privrednog društva u kojem Kanton Sarajevo ima pravni interes i u kojem prema važećim zakonima i propisima ima zakonito pravo da vrši nominaciju odnosno imenovanja, Vlada Kantona Sarajevo, na 72. sjednici održanoj 24.04.2025. godine, donijela je

JAVNI KONKURS

ZA IZBOR I NOMINOVANJE DVA ČLANA NAZORNOG ODBORA U PRIVREDNOM DRUŠTVU "BAGS-ENERGOTEHNIKA" D.D. VOGOŠĆA ISPRED DRŽAVNOG KAPITALA

I. Predmet javnog konkursa

Objavljuje se javni konkurs za izbor i nominovanje na upražnjenu poziciju članova Nadzornog odbora ispred državnog kapitala u privrednom društvu:

- "BAGS - Energotehnika" d.d. Vogošća - dva (2) člana.

II. Opis pozicije

Predsjednik i članovi Nadzornog odbora nadgledaju rad i učinak uprave, izgrađuju i razvijaju odnose između Nadzornog odbora, uprave, dioničara, investitora i drugih sudionika, a naročito prilikom donošenja odluka kojima se utiče na vrijednost kapitala društva, raspoložu imovinom i kapitalom društva ili utvrđuju strategiju društva, razmatraju i usvajaju finansijske izvještaje uprave društva; predlažu raspodjelu i način upotrebe dobiti, s pažnjom i pravičnošću se odnose prema interesima zaposlenika, povjerilaca, kupaca, dobavljača i lokalne zajednice; sprječavaju i rješavaju sukobe interesa; zastupaju interese vlasnika kapitala; uspostavljaju sistem interne kontrole i monitoringa nad internom kontrolom i obavljaju druge poslove u skladu sa Zakonom o privrednim društvima, drugim zakonima, propisima, Statutom Privrednog društva i Poslovnikom.

III. Mandat

Mandat člana Nadzornog odbora je četiri (4) godine, uz mogućnost ponovnog imenovanja u skladu sa zakonom, s tim da članu nadzornog odbora koji je imenovan na upražnjenu poziciju u Nadzornom odboru mandat traje do isteka mandata članova Nadzornog odbora koji su imenovani prilikom imenovanja cijelog Nadzornog odbora.

IV. Uslovi za poziciju

a) Opći uslovi:

1. da je stariji od 18 godina,
2. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana objavljivanja ovog javnog konkursa za upražnjenu poziciju,
3. da se na njega ne odnosi član IX. 1. Ustava Bosne i Hercegovine.

b) Posebni uslovi:

1. da je državljanin Bosne i Hercegovine,
2. da je stekao diplomu visokog obrazovanja najmanje VII stepen stručne sprema, odnosno diplomu visokog obrazovanja prvog ciklusa koje se vrednuje sa 240 ECTS bodova ili diplomu drugog ili trećeg ciklusa Bolonjskog sistema studiranja,
3. da je stekao najmanje pet godina radnog iskustva u struci nakon sticanja diplome visokog obrazovanja iz tačke IV. b) alineja 2.,
4. da posjeduje sertifikat o završenom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala iz nadležnosti Kantona Sarajevo ("Službene novine Kantona Sarajevo", broj 34/19). Ukoliko kandidat ne posjeduje sertifikat, dužan je dostaviti izjavu, ovjerenu kod nadležnog organa, kojom se obavezuje da će u roku od šest mjeseci proći stručno usavršavanje i steći sertifikat o završenom usavršavanju, odnosno dostaviti sertifikat o završenom usavršavanju izdat od ovlaštenog organa bilo kojeg nivoa vlasti u Bosni i Hercegovini.
5. da nije osuđivan za krivično djelo u vezi sa dužnosti u Nadzornom odboru, pet godina od dana pravosnažnosti presude, isključujući vrijeme zatvorske kazne,
6. da nije lice kojem je presudom suda zabranjeno obavljanje aktivnosti u nadležnosti Nadzornog odbora,
7. da nije na funkciji u političkoj stranci,
8. da nema privatni/finansijski interes u privrednom društvu u čiji se Nadzorni odbor kandiduje,
9. da nije direktor ili član uprave privrednog društva,
10. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08),

- Općinski sud u Ljubuškom, sutkinja Jelena Gavran, u pravnoj stvari tužitelja Srećka Ravlića, Drinovci b.b., Grude, zastupan po punomoćnici Ivani Grizelj Čorluka, odvjetnici iz odvjetničkog društva Grizelj Čorluka d.o.o. Grude, protiv tuženika 1. Petra (Ivan) Ravlića, nepoznatog prebivališta i boravišta, 2. Jozefine (Vlado) Ravlić, nepoznatog prebivališta i boravišta, 3. Milene (Vlado) Ravlić, nepoznatog prebivališta i boravišta, 4. Johnny a (Tomislav) Ravlića, Wembleyroad 399, Berrinba 4117, Queensland, Australija, zastupan po punomoćniku Ivanu Prskalu, odvjetniku iz Ljubuškog, 5. Michael a (Tomislav) Ravlića, Wembleyroad 399, Berrinba 4117, Queensland, Australija, zastupan po punomoćniku Ivanu Prskalu, odvjetniku iz Ljubuškog, 6. Jakova (Jozo) Ravlića, nepoznatog prebivališta i boravišta i 7. Grga (Jozo) Ravlića, nepoznatog prebivališta i boravišta, radi utvrđenja i uknjižbe, vrijednost spora: 9.900,00 KM, dana 24.04.2025. godine objavljuje sljedeći